

四庫全書

史部

欽定四庫全書

輿地廣記卷十四

宋 歐陽忞 撰

陝西永興軍路下

緊耀州春秋戰國屬秦秦屬內史項氏分屬塞國漢初屬河上郡後屬左馮翊東漢及晉皆因之元魏置北雍州西魏改為宜州及置北地郡尋改為通川郡隋開皇初郡廢大業初州廢屬京兆郡義寧二年置宜君郡唐

武德四年改曰宜州貞觀十七年州廢天授二年復置
宜州大定元年又廢天祐三年岐王李茂貞墨制置耀
州仍升義勝軍節度梁末帝時茂貞養子溫韜以州降
梁梁改為崇州靜勝軍後唐同光元年為耀州以為順
義軍皇朝開寶五年為感義軍太平興國元年改感德
軍領縣七

上華原縣隋屬京兆郡唐因之垂拱二年改華原曰永
安神龍元年復故名唐末李茂貞據馮翊僭行墨制建

為耀州以溫韜為節度使唐諸陵在其境內者悉發掘之郭崇韜以為刼陵賊有土門山

望富平縣本漢懷德地東漢省之元魏置富平縣及北地郡後周改為中華郡尋廢隋屬京兆郡唐因之後屬耀州有荆山

望三原縣漢池陽縣地屬左馮翊東漢因之晉為扶風郡治後省焉苻秦於截薛山北置三原護軍元魏罷護軍置三原縣後周置建忠郡尋廢隋屬京兆郡唐因之

後屬耀州

上雲陽縣漢屬左馮翊秦有林光宮漢曰甘泉宮武帝立泰時以祠太一東漢因之晉省焉後復置元魏屬北地郡後周置雲陽郡隋開皇初郡廢屬京兆郡唐因之後屬耀州

上同宮縣本漢祿祿縣屬左馮翊東漢因之晉省焉苻秦於祿祿城東北銅官川置銅官護軍元魏罷護軍置銅官縣屬北地郡隋曰同官屬京兆郡唐因之梁開平

三年屬同州後唐同光初屬耀州

中美原縣本頻陽縣秦厲公置在頻水之陽漢屬左馮翊東漢晉元魏皆因之景明元年析置土門縣隋大業初省入華原唐咸亨二年析富平華原蒲城於故土門縣置美原縣屬京兆郡天祐三年李茂貞置鼎州梁改爲裕州屬順義軍節度後不見其廢時唐同光三年割屬耀州

中淳化縣本雲陽縣之梨園鎮皇朝淳化四年置縣屬

耀州

緊邠州古豳國春秋戰國皆屬秦秦屬內史漢屬右扶風安定北地郡漢末置新平郡兼屬安定晉因之西魏置豳州後周及隋皆因之煬帝初州廢屬安定北地郡義寧二年復置豳州唐開元十三年以字類幽改作邠焉天寶三載以為新平郡後升為靜難軍節度今縣四望新平縣本二漢漆縣屬右扶風漢末置新平郡晉因之後改漆縣為白土西魏置豳州隋開皇四年改縣為

新平大業初州廢義寧二年復置苻堅墓在此

望宜祿縣漢鶡觚縣地屬北地郡後魏置宜祿縣以宜祿川為名後周省入鶡觚屬安定郡唐貞觀二年析新平保定靈臺復置屬幽州

上三水縣漢三水枸邑二縣地三水屬安定郡東漢因之晉省焉後復置西魏置恒州尋廢隋屬北地郡義寧二年屬幽州漢之枸邑即故幽國周之先公劉所居屬右扶風東漢因之鄧禹遣馮愔宗歆守枸邑二人爭權

惜遂殺歆即此晉省焉故城在今縣東北有萬壽湫唐大厯八年因風雷而成

下永壽縣唐武德二年分新平置神龍元年屬雍州唐隆元年來屬

上邽州春秋屬白翟秦屬上郡漢為上郡及左馮翊東漢屬上郡魏武帝省焉晉陷于戎狄元魏置東秦州後改為北華州西魏改為敷州隋為邠城郡尋改為上郡唐為邠州天寶元年為洛交郡後升保大軍節度領縣

四

緊洛交縣本漢雕陰縣地屬上郡東漢因之魏晉廢焉
隋開皇三年置洛交縣大業三年置上郡唐置鄜州三
川鎮本漢翟道縣屬左馮翊東漢省之苻秦於長原城
置長城縣元魏改為三川以華池水黑大洛水所會為
名隋屬上郡唐屬鄜州皇朝熙寧七年省入洛交

上洛川縣本漢鄜縣地元魏置洛川縣隋屬上郡唐屬

鄜州

上郿城縣昔秦文公夢黃蛇自天下屬地其口止於郿
衍史敦曰此上帝之祥君其祠之於是作郿時祭白帝
焉漢屬左馮翊東漢省之元魏置敷城縣隋大業初改
為郿城屬上郡唐屬坊州唐末置翟州改為東秦州改
郿城曰昭化後唐同光元年復改為郿城屬郿州

中下直羅縣本漢雕陰縣地唐武德三年分三川洛交
於直羅城置縣以城枕羅川水其川平直故名

中解州自唐以上地理與河中府同漢乾佑元年割河

中之聞喜安邑解三縣置解州皇朝因之領縣三

中解縣春秋時謂之解梁晉惠公因秦返國許賂秦以
河外列城五內及解梁城是也漢屬河東後漢及晉皆
因之元魏分置虞鄉縣後省解入焉唐武德元年改虞
鄉曰解縣而於解西五十里別置虞鄉皆屬河中府漢
乾祐元年置解州有鹽池左傳成六年晉人謀去故絳
諸大夫皆曰必居郇瑕氏之地沃饒而近鹽是也

望聞喜縣本曲沃晉文侯封其弟成師謂之曲沃桓叔

秦改為左邑屬河東郡漢武帝元鼎六年將幸緄氏至左邑桐鄉聞南越破以為聞喜縣東漢及晉因之元魏置正平郡隋屬絳郡唐屬絳州後屬河中府漢乾祐元年來屬

緊安邑縣夏禹所都春秋時魏絳自魏徙此武侯二年城安邑蓋增廣之耳秦昭王二十一年魏獻安邑以為河東郡二漢及晉皆因之元魏曰北安邑屬河北郡隋開皇十六年置虞州大業初州廢屬河東郡唐屬河中

府漢元祐元年來屬有鳴條陌湯與桀戰于鳴條即此有鹽池

中尉慶州周之先不窋所居春秋時為義渠之戎秦滅之屬北地郡二漢因之魏晉以後荒廢西魏置朔州後周廢焉隋文帝置慶州煬帝初置弘化郡唐為慶州天寶元年曰安化郡至德元載曰順化郡升定安軍節度後唐降之皇朝乾德二年復為安化郡領縣二

中安化縣本漢都郵縣地屬北地郡東漢省之後置弘

化縣隋開皇十六年置弘州大業初州廢屬弘化郡唐
為慶州治焉天寶元年曰安化至德元載曰順化皇朝
乾德二年復曰安化有不蜜城同川縣本三泉隋義寧
二年析彭原郡之彭原置唐武德三年改名同川屬慶
州皇朝乾德二年省入安化

望合水縣本合川唐武德元年置是年又析置蟠交縣
貞觀元年省合川入弘化天寶元年更蟠交曰合水後
廢焉皇朝熙寧四年復置華池鎮本西魏置尉州後周

廢之隋仁壽初置華池縣屬弘化郡唐置慶州皇朝熙寧四年省入合水故樂蟠縣略畔與樂蟠音相近故訛耳唐屬慶州皇朝熙寧四年省入合水

緊彭原縣本漢彭陽縣屬安定郡東漢因之元魏置西北地郡隋開皇初郡廢十八年改縣曰彭原屬北地郡唐武德元年置彭州貞觀元年州廢屬寧州皇朝熙寧三年來屬

雄虢州春秋時為虢之南境虢亡屬晉戰國時屬秦魏

二國秦平天下為三川郡漢屬弘農郡東漢及晉皆因之元魏置西弘農郡後周廢之隋煬帝置弘農郡恭帝改為鳳林郡唐初置鼎州因鼎湖為名後為虢州領縣

三

中虢畧縣左傳晉惠公許賂秦伯以河外列城五東盡虢畧是也漢為弘農縣地屬弘農郡東漢及晉皆因之隋大業中自湖城縣界與郡俱徙於弘農川即今治也唐武德元年置鼎州貞觀八年廢自盧氏移虢州於此

神龍初避孝敬皇帝諱改曰恒農開元十六年復故名
皇帝建隆元年避廟諱改曰常農至道三年又改曰虢
畧三城鎮故玉城縣西魏屬之唐屬虢州皇朝熙寧四
年省入虢畧

中盧氏縣漢屬弘農郡東漢因之晉屬上洛郡元魏置
洛安郡西魏改為義川郡隋開皇初郡廢置虢州大業
初州廢屬弘農郡義寧元年復置虢郡唐武德元年改
為虢州貞觀八年州徙治弘農有禹貢熊耳山洛水所

出

中朱陽縣元魏時置兼置朱陽郡後周郡廢隋屬弘農

郡唐屬號州

望商州商契始封於此春秋時屬晉戰國時屬秦為內
史地漢屬弘農郡東漢屬京兆尹晉初為京兆南部後
置上雒郡元魏因之西魏兼置洛州後周改為商州隋
初郡廢大業初州廢復為上洛郡唐復為商州天寶元
年曰上洛郡領縣五

中上洛縣本晉地竹書紀年晉烈公三年楚人伐我南
鄙至于上洛是也漢屬弘農郡東漢屬京兆郡晉泰始
二年置上洛郡隋開皇初郡廢大業初復置唐為商州
商山在縣西南秦四皓所隱也州界有七盤十二繞其
道隘險王莽命王級曰繞雷之固南當荆楚蓋謂此地
也有熊耳山

中下商洛縣古商邑契之所封秦以封衛鞅號曰商君
漢屬弘農郡東漢屬京兆尹晉屬上洛郡隋曰商洛亦

屬焉唐屬商州縣東有少習左傳哀四年楚司馬使謂
晉陰地之大夫曰晉楚有盟好惡同之不然將通於少
習以聽命秦謂之武關漢高帝游鄴改武關以入秦
中下洛南縣漢上雒縣地元魏置拒陽縣及拒陽郡隋
開皇初郡廢改縣為洛南屬上洛郡唐屬商州

中下豐陽縣後周置隋屬上洛郡唐屬商州舊治吉川
城麟德元年移治豐陽川

中下上津縣漢長利縣地屬漢中郡宋置北上洛郡梁

改為南洛州西魏為上州隋大業初州廢屬上洛郡唐屬商州

望寧州夏公劉之邑春秋時為義渠戎國地築城郭以自守而秦稍蠶食之戰國時戎王與秦昭王母宣太后亂有二子宣太后詐而殺戎王於甘泉遂起兵滅義渠始皇初屬北地郡漢屬北地上郡東漢屬北地安定郡晉國之後沒于戎狄元魏獻文置華州孝文改曰班州後為豳州西魏改為寧州後周分置趙興郡隋改寧州

曰幽尋廢州而改趙興為北地郡唐復為寧州天寶元年曰彭原郡領縣四

緊定安縣漢汜陽縣地屬北地郡後周置趙興郡隋開皇初郡廢大業初置北地郡唐為寧州

緊定平縣漢泥陽縣地唐武德二年析定安置屬寧州唐末置衍州周顯德五年州廢屬鄜州後來屬

上襄樂縣漢襄洛縣也屬上郡元魏改洛為樂置襄樂郡西魏置燕州後周並廢隋屬北地郡唐屬寧州泥陽

鎮本泥陽縣二漢屬北地郡晉為郡治元魏復置後省
馬

下真寧縣漢陽州縣屬上郡東漢省之後復置西魏置
顯州後周廢焉隋開元中改揚州縣為羅川屬北地郡
唐屬寧州天寶元年獲畫真人像二十七因改羅川縣
為真寧有橋山黃帝所葬

上坊州自隋以前地理與鄜州同後周天和中元皇帝
為敷州刺史於此地為馬坊武德二年分鄜州置坊州

因故馬坊為名天寶元年曰中部郡領縣二

緊中部縣漢翟道縣地屬左馮翊後秦姚興置中部縣
元魏因之置中部郡隋避廟諱改曰內部開皇中郡廢
屬上郡唐置坊州有杏城姚萇置在今縣西

中宜君縣漢祓祠縣地屬左馮翊元魏置宜君縣後置
宜君郡隋開皇初郡廢屬京兆郡唐初屬宜州貞觀二
十年屬雍州龍朔三年來屬有玉華宮在今縣北唐貞
觀二十年置

上丹州春秋時為白翟戰國時屬秦秦屬上郡二漢因之晉省沒于戎狄西魏置汾州及義川郡後改州為丹州隋開皇初郡廢大業初州廢屬延安郡義寧元年置丹陽郡唐為丹州天寶元年曰咸寧郡領縣一

中宜川縣本義川西魏置義川郡後周改縣為丹陽隋開皇初復為義川義寧元年置丹陽郡唐為丹州皇朝太平興國元年改縣曰宜川故咸寧縣本永寧西魏改為太平隋開皇中改為咸寧屬延安郡唐屬丹州皇朝

太平興國三年省焉汾川鎮本安平縣元魏置後周改
曰汾州隋屬延安郡唐屬延州皇朝熙寧三年省入宜
川雲巖鎮本雲巖縣唐武德元年析義川置屬丹州皇
朝熙寧七年省入宜川

下環州自元魏以上地理與靈州同後周置會州隋改
曰環州以大河環曲為名大業初州廢屬靈武郡唐武
德二年復置會州貞觀六年更置環州九年州廢還屬
靈州咸亨三年置安樂州以居土谷渾部落至德後沒

吐蕃大中三年收復更名威州後廢焉晉天福四年復置威州割靈州之方渠寧州之馬嶺水波三鎮為屬而治方渠周廣順二年改曰環州顯德四年廢為通遠軍皇朝淳化五年復為環州領縣一

上通遠縣本方渠漢屬北地郡東漢省之隋開皇十九年置鳴沙縣屬靈武郡唐置威州晉以方渠鎮復置威州周改為環州復廢州為通遠軍而改方渠為通遠縣皇朝天聖四年復改為通遠軍嶺鎮本馬嶺縣西漢為

北地郡治東漢徙治富平而省馬嶺焉

下府銀州春秋為白翟戰國屬秦後屬上郡二漢屬西河郡魏晉荒廢元魏立開光郡後周立真鄉郡立銀州隋開皇初二郡皆廢大業初州廢入雕陰郡唐貞觀二年平梁師都立銀州天寶元年曰銀川郡唐末陷為拓跋氏皇朝崇寧四年收復舊領縣四

中儒林縣二漢囿陰縣地屬西河郡苻秦有驄馬城土俗呼驄馬為乞銀因號乞銀谷後周於是立銀州隋開

皇三年置儒林縣大業初州廢屬雕陰郡唐復立銀州
東北有無定河郡圓水也圓與銀音同而漢志作園陰
顏師古注云園本作圓縣在圓水之陰因以為名王莽
改為方陰則是當時已誤為園字今有銀州銀水即是
舊名猶存但字變耳以此考之則九城圖所載乞銀之
說未可據也

中下真鄉縣西魏置後周立真鄉郡隋開皇初郡廢後
屬雕陰郡唐貞觀二年來屬西北有茹盧水

中開光縣元魏立開光郡後周因之隋開皇三年郡廢屬雕陰郡後省唐貞觀二年平梁師都復置隸綏州八年隸柘州十三年州廢來屬

中下撫寧縣西魏置隋屬雕陰郡唐初隸綏州貞觀八年來屬

同下州綏德軍春秋時為白狄戰國時屬秦秦屬上郡漢初屬翟國後屬上郡東漢因之西魏置安樂郡兼置綏州隋開皇初郡廢大業初廢綏州而置上郡尋改為

雕陰郡唐復為綏州末年陷于西戎皇朝熙寧二年收復廢為綏德城屬延州後升為軍唐治龍泉縣領縣五中龍泉縣漢膚施縣地元魏置上縣西魏以為安寧郡隋為雕陰郡唐為綏州天寶元年改縣為龍泉漢上郡故城在縣西南

中下延福縣本延陵西魏置隋開皇中改曰延福屬雕陰郡唐屬綏州

中下綏德縣西魏置隋屬雕陰郡後廢之唐武德二年

復置屬綏州

中下城平縣西魏置隋屬雕陰郡唐屬綏州

中下大斌縣唐武德七年置治魏平取稽胡懷化文武雜半以為名貞觀二年移治今所

同下州保安軍自五代以上地理與延州同皇朝太平興國二年以延州永安鎮置保安軍統寨二

德靖寨天禧四年置建子城天聖元年改為德靖寨

順寧寨慶歷四年置

輿地廣記卷十四

欽定四庫全書

輿地廣記卷十五

宋 歐陽志 撰

陝西秦鳳路上

次府鳳翔府春秋以來為秦都始皇時屬內史漢初屬
雍國後分為中地郡九年復屬內史建元六年分為右
內史太初元年更名主爵都尉為右扶風東漢因之魏
晉為扶風郡元魏為秦平郡兼置岐州西魏改郡為岐

陽隋開皇初郡廢大業初州廢復置扶風郡唐復為岐州至德二載肅宗自順化幸扶風是年克復兩京置鳳翔府號為西京後罷京名今縣十

次赤天興縣故雍縣秦德公既立卜居雍曰後子孫飲馬於河遂都雍至孝公乃徙焉二漢屬右扶風有五時以祠上帝說者以為四面積高曰雍宜為神明之隩故立羣祠云晉屬扶風郡元魏置秦平郡及岐州隋為扶風郡唐為岐州至德二載改雍曰鳳翔仍析置天興縣

寶應元年省鳳翔入天興有橐泉宮秦孝公起有祈年宮秦惠公起有鳳臺秦穆公時有簫史者善吹簫能致白鳳穆公女弄玉好之公為作鳳臺以居之一旦乘鳳而去秦回中宮在縣西漢文帝十四年匈奴入蕭關回中宮候騎至雍即此

次畿岐山縣漢雍縣地後周三龍縣隋開皇十六年改為岐山屬扶風郡唐屬鳳翔府有禹貢岐山有五將山苻堅為姚萇將吳忠所執於此

次畿扶風縣漢美陽縣地後周置燕州唐武德二年置
漳川縣貞觀八年更名扶風屬岐州岐陽鎮昔周太王
去邠踰梁山邑於岐山之下即此詩所謂居岐之陽也
文王始亦治焉二漢為美陽縣地屬右扶風晉因之唐
貞觀七年置岐州元和三年省入扶風

次畿盤屋縣漢武帝置屬右扶風山曲曰盤水曲曰屋
因山水之曲以為名東漢省之元魏復焉後周置周南
郡及恒州尋並廢隋屬京兆郡唐因之天寶元年改為

宜壽至德二載復故名天復元年來屬有駱谷關司竹園

次畿郿縣二漢屬右扶風晉因之元魏改為平陽縣西魏復曰郿城後周廢入周城隋開皇十八年改周城為渭濱大業二年又改渭濱曰郿屬扶風郡唐屬岐州有郿塢漢末董卓所築號曰萬歲塢斜水出縣西南衙嶺山北歷斜谷徑五丈原東又北流入渭蜀諸葛亮帥師攻魏軍五丈原與司馬宣王對壘即此

次畿寶雞縣故陳倉昔秦文公遊獵於陳倉北阪獲若石云其色如肝寶而祠之故曰陳寶其神來常以夜光輝若流星從東南來集於祠城形若雄雞其聲若雷野鷄夜雉說者曰此寶夫人祠也歲星與萐君合萐神來時天為之雷鳴雉為雉漢屬右扶風東漢及晉皆因之元魏改曰宛川西魏復曰陳倉後周置顯州尋州縣俱廢隋開皇十八年復置陳倉縣屬扶風郡唐屬岐州天德二載更名寶鷄陳倉故城在今縣東魏為重鎮明帝

太和二年蜀諸葛亮圍魏將郝昭於此不克而退大散關在西南有渭水汧水

次畿號縣本周號仲所封謂之西號秦武公十一年滅小號是也漢屬右扶風東漢省之後復置元魏置武都郡西魏改縣曰洛邑後周置翔州州尋廢隋開皇初郡廢大業初復改縣曰號屬扶風郡唐屬鳳翔府平陽鎮秦寧公二年徙居平陽是也漢為郿縣地磻溪水出南山茲谷北流注於渭即呂氏春秋所謂太公釣茲泉者

也其投竿踞餌兩膝遺跡猶存

次畿麟遊縣隋義寧元年於仁壽宮置鳳棲郡及麟遊縣二年以仁壽宮中獲白麟更郡曰麟遊唐武德元年曰麟州貞觀元年州廢縣屬岐州改仁壽宮為九成宮次畿普潤縣二漢杜陽縣地隋大業初置屬扶風郡唐屬鳳翔府有杜水漆水岐水

次畿好時縣祭天之所曰時封禪書曰雍旁故有吳陽武時皆廢無祠蓋黃帝時嘗用事雖晚周亦郊焉後以

為縣漢屬右扶風東漢省之元魏復置為扶風郡治隋
大業三年省入上宜唐武德二年析醴泉置好時屬雍
州貞觀八年省上宜入岐陽二十一年省好時岐陽復
置上宜更上宜曰好時乾寧二年屬乾州皇朝熙寧五
年來屬

下府秦州周孝王封非子於此春秋戰國屬秦秦平天
下屬隴西郡漢武帝分置天水郡東漢建武中更名漢
陽郡兼為涼州刺史治焉魏為重鎮晉屬天水洛陽二

郡兼置秦州元魏因之又置漢陽郡隋開皇初郡廢大業初復置天水郡唐為秦州升雄武軍節度今縣四

上成紀縣包羲氏生於此漢屬天水郡東漢屬漢陽郡晉屬天水郡後廢焉後周復置隋屬天水郡唐屬秦州州本治上邽而成紀本治小抗川開元二十二年地震州自上邽徙治成紀之散親川縣亦移入新城天寶元年州還治上邽寶應元年陷吐蕃大中三年復故地徙治成紀而上邽廢有禹貢朱圉山邽山渭水瓦亭山

上天水縣漢上邽縣地屬隴西郡唐時陷吐蕃後收復置天水縣屬秦州唐末廢之後唐長興三年復置以赤砂鎮為治所有龍馬泉

中隴城縣漢為隴縣屬天水郡東漢屬漢陽郡隋開皇六年改曰隴城屬秦州唐因之漢畧陽道故城在今縣西北阿陽縣故城亦在縣西北有大隴山瓦亭山街泉亭秦谷秦非子始封於此

中清水縣漢屬天水郡東漢省之晉復置屬畧陽郡元

魏因之後置清水郡隋開皇初郡廢屬秦州唐因之有小隴山清水伏羌城本冀戎地秦武公十年伐冀戎縣之漢屬天水郡王莽末隗囂自稱西伯據此東漢為漢陽郡治焉晉屬天水郡兼置秦州元魏改曰當亭縣後周改曰冀城隋屬天水郡唐屬秦州武德二年更名伏羌後陷吐蕃皇朝建隆二年置伏羌寨熙寧二年以為城有黃瓜縣元魏置及置漢陽郡後廢

上涇州春秋戰國屬秦秦屬北地郡漢武帝分置安定

郡東漢晉因之元魏太武兼置涇州蓋以涇水為名隋為安定郡唐為涇州天寶元年曰安定郡後升彰義軍節度皇朝太平興國元年改彰化軍今縣四

望保定縣本安定漢屬安定郡東漢省之後復置為郡治焉元魏為涇州隋為安定郡唐為涇州至德元載更名保定漢烏氏縣故城在今縣東

上靈臺縣本鶉觚漢屬北地郡東漢屬安定郡晉因之後置趙平郡後周郡廢隋屬安定郡唐屬涇州天寶元

年更名靈臺亦商時密國之地周文王所伐者也秦為陰密縣白起被遷於此漢晉屬安定郡元魏屬平涼郡後省隋大業初以其地置靈臺縣二年省入鶉觚蓋取文王伐密而民始附之意故以靈臺名縣焉

上良原縣隋大業初置屬安定郡唐屬涇州

長武縣唐為長城隸邠州宜祿皇朝咸平四年置保定縣來屬五年省為寨大觀二年復置

上熙州春秋戰國皆為西羌秦置隴西郡二漢晉因之

惠帝分置狄道郡前涼張駿置武始郡元魏置臨洮郡
隋開皇初廢武始郡屬蘭州唐因之天寶三載分置臨
州後陷吐蕃號武勝軍皇朝熙寧五年收復置熙州臨
洮郡升臨洮軍節度今縣一

中下狄道縣秦漢為隴西郡晉為狄道縣張駿置武始
郡元魏置臨洮郡及龍城縣唐置臨州皇朝置熙州有
白石山在東清源堡漢首陽縣地屬隴西郡東漢及晉
皆因之元魏改首陽曰渭源隋屬隴西郡唐上元二年

復改曰首陽而於渭源故城別置渭源縣屬渭州儀鳳
三年省首陽入渭源沒蕃後廢皇朝熙寧五年置渭源
堡屬熙州有禹貢鳥鼠同穴山渭水所出今謂之青雀
山

上隴州春秋戰國屬秦秦屬內史二漢屬右扶風晉屬
扶風郡西魏置隴東郡兼置東秦州後改為隴州隋開
皇三年郡廢大業三年州廢屬扶風郡唐復為隴州天
寶元年曰汧陽郡今縣四

望汧源縣本汧縣漢屬右扶風後漢及晉皆因之西魏
曰汧陰縣後改曰杜陽後周復曰汧陰隋改曰汧源屬
扶風郡唐為隴州治焉有禹貢岍山汧水所出有龍山
弦蒲藪

緊汧陽縣二漢隃麋縣地屬右扶風晉省之元魏置汧
陽縣及汧陽郡後周郡廢隋屬扶風郡唐屬隴州有隃
麋澤

中吳山縣漢汧縣地元魏孝文置長蛇縣隋開皇末省

入南田唐武德元年復置屬隴州貞觀元年更名吳山
有吳岳故南田縣元魏置屬武都郡隋屬扶風郡唐元
和三年省

中隴安縣皇朝開寶元年析汧陽置有秦領山

中下成州秦以前為白馬氏漢屬武都郡東漢及晉為
郡治焉後為楊茂搜所據楊氏數世皆封仇池公元魏
置南秦州西魏改為成州隋開皇初郡廢大業初州廢
置漢陽郡唐復為成州天寶元年更名同谷郡今縣二

中同谷縣本漢下辨道屬武都郡東漢及晉皆為郡治
焉元魏屬修武郡後為白石縣置廣業郡西魏改縣曰
同谷後周兼置康州隋開皇初郡廢大業初州廢屬河
池郡唐武德元年以縣置西康州貞觀六年州廢屬成
州州初治上祿本漢縣屬武都郡東漢因之晉省焉後
置仇池縣曰上祿唐改郡曰成州寶應元年沒吐蕃後
廢咸通十三年復置徙治同谷有仇池山其上方百頃
四面壁立峭絕險固自然有樓櫓却敵之狀高七里餘

蟠道三十六回上有豐水泉煮土成鹽漢末為氐楊茂搜所據

中粟亭縣元魏蘭倉縣地置漢陽郡後唐清泰三年置粟亭縣屬成州有雷牛山粟亭山

下鳳州春秋時為氐羌所居秦屬隴西郡二漢屬武都郡晉因之惠帝時沒於氐楊茂搜元魏置道郡兼置南岐州西魏改郡曰歸真後周郡廢改州曰鳳州隋大業二初州廢置河池郡唐為鳳州天寶初復曰河池郡今縣二

上梁泉縣本故道秦文公時伐南山大梓化為牛入水
秦為立怒特祠於故道即此漢王引兵從故道襲雍後
屬武都郡東漢及晉因之元魏置故道郡及梁泉縣隋
置河池郡唐為鳳州

緊河池縣漢屬武都郡東漢及晉因之後廢焉元魏置
廣化縣及廣化郡隋開皇初郡廢仁壽初改縣曰河池
屬河池郡唐屬鳳州皇朝徙治固鎮

上兩當縣本漢故道縣地元魏置兩當縣及兩當郡隋

開皇初郡廢屬河池郡唐屬鳳州皇朝徙治廣鄉鎮廣鄉即水經所謂廣香川也有兩當水出陳倉縣之大散關西南流入故道

下岷州秦屬隴西郡二漢及晉因之西魏置岷州及同和郡隋開皇初郡廢大業初州廢屬臨洮郡唐復為岷州天寶元年曰和政郡後陷吐蕃皇朝熙寧六年收復今縣三

祐川縣本臨洮縣地二漢晉屬隴西郡西魏置溢樂縣

及同和郡隋改溢樂為臨洮唐武德元年復為溢樂置岷州又置基城縣先天元年改基城為祐川沒蕃後並廢皇朝崇寧四年復置祐川

中大潭縣漢冀縣地屬天水郡皇朝建隆三年以良恭大潭二鎮置大潭縣屬秦州熙寧六年來屬有禹貢朱圉山

緊長道縣本漢上祿縣地屬武都郡元魏分置長道縣隋屬漢陽郡唐屬成州天寶末廢咸通十三年復置屬

秦州皇朝熙寧六年來屬有祁山蜀諸葛亮率諸軍攻
祁山南安天水安定郡叛魏應亮即此

輿地廣記卷十五

欽定四庫全書

輿地廣記卷十六

宋 歐陽忞 撰

陝西秦鳳路下

下府渭州秦屬北地郡二漢屬安定郡晉因之元魏屬
太平郡隋初屬原州後屬平涼郡唐屬原州寶應元年
渭州沒吐蕃元和四年以原州之平涼縣置行渭州廣
明元年為吐蕃所破中和四年復置後曰隴西郡今縣

五

中平涼縣漢朝那涇陽二縣地屬安定郡後周置平涼縣屬原州隋屬平涼郡唐屬原州元和四年置行渭州今因之有筭頭山禹貢涇水所出西有隴山有六盤關西北五里有吐蕃會盟壇唐貞觀五年築

中潘原縣本陰盤二漢屬安定郡晉省之後復置元魏置平涼郡隋開皇初郡廢屬安定郡唐屬涇州天寶元年改為潘原縣周顯德六年來屬

中安化縣故屬儀州皇朝熙寧五年州廢來屬

中崇信縣皇朝乾德元年以舊崇信軍地置崇信縣屬鳳翔府淳化中屬儀州熙寧五年州廢來屬

中下華亭縣隋大業初置屬安定郡唐元和三年省入汧源後復置儀州皇朝熙寧五年州廢來屬

望原州自唐已上地理與涇州同廣德元年原州沒吐蕃置行原州於靈臺之百里城貞元十九年徙治平涼元和三年又徙治臨涇大中三年收復關隴歸治平高

廣明後沒吐蕃又僑治臨涇本屬涇州後唐清泰三年割屬原州後曰平涼郡今縣二

中臨涇縣漢屬安定郡東漢及晉為郡治焉元魏亦屬安定後廢之隋大業初置湫谷縣尋改曰臨涇屬安定郡唐屬涇州後為原州治所有漢朝那縣故城

中彭陽縣二漢屬安定郡晉省之後復置元魏置西北地郡隋改縣為彭原唐武德二年析彭原置豐義縣屬寧州皇朝太平興國元年改曰彭陽至道三年來屬

中下階州古為白馬氏國西戎之別種也漢武帝
開之置武都郡東漢晉因之後沒於氐楊茂搜元
魏置武街郡西魏置武州隋開皇初郡廢大業初
州廢置武都郡唐武德元年置武州天寶元年曰武都
郡因沒吐蕃廢大曆二年復置為行州咸通中始得故
地龍紀初遣使招葺之景福元年更名階州今縣二
中下福津縣漢武都縣地元魏置翫當縣及武街郡西
魏又於今縣東北三十里萬郡故城置覆津縣後周省

翫當入覆津隋開皇初武階郡廢屬武州唐因之景福元年改覆津曰福津後為州治故盤堤縣本西魏置南五部縣後改名隋屬武都郡唐屬武州沒蕃後不復置中下將利縣故白馬氏國漢為武都縣為郡治焉天池大澤在其西東漢及晉皆因之元魏改武都縣曰石門西魏改曰安育置武州後周改安育曰將利仍置武都郡隋開皇初郡廢大業初復置唐為武州治後徙福津上河州古西羌地秦屬隴西郡漢屬金城隴西二郡東

漢屬隴西郡漢末宋建自稱河首平漢王據此曹公遣夏侯淵討平之晉惠帝時置晉興郡前秦苻堅置河州西秦乞伏乾歸又據於此元魏亦置河州後周置枹罕郡隋開皇初郡廢大業初州廢復置枹罕郡唐武德二年平李軌置河州天寶元年曰安昌郡領縣三

中下枹罕縣本罕羌侯邑漢為枹罕縣屬金城郡東漢省之晉屬晉興郡苻秦置河州元魏因之後周置枹罕郡隋因之唐為河州

中下大夏縣漢屬隴西郡東漢因之晉屬進興郡前涼
張駿置大夏郡隋屬枹罕郡唐屬河州貞觀八年省入
枹罕五年復置

中下鳳林州本白石縣漢屬金城郡東漢屬隴西郡張
駿改白石為永固屬晉興郡唐貞觀七年於縣置烏州
十一年州廢置安昌縣來屬天寶元年更名鳳林廣德
元年州沒吐蕃皇朝熙寧六年收復置枹罕縣七年省
之今曰安鄉郡縣一

寧河縣本寧河塞皇朝崇寧四年升為縣

下蘭州古西羌地秦屬隴西郡漢屬金城隴西二郡東漢魏晉因之前涼張實分置廣武郡張駿又分置武始郡後為西秦乞伏國仁南涼禿髮烏孤所分據元魏後周屬武始郡隋開皇初郡廢置蘭州大業初州廢復置金城郡唐武德二年平薛舉置蘭州以皋蘭山為名天寶元年曰金城郡領縣二

下五泉縣本金城縣漢屬金城郡為氐羌所據東漢及

晉因之有故苑川城西秦乞伏國仁據此後曰子城縣
置金城郡隋開皇初郡廢置蘭州大業初州廢置金城
郡復改縣曰金城後改曰五泉唐咸亨二年復曰金城
天寶元年復曰五泉

下金城縣本漢允吾縣為金城郡治所張駿置廣武郡
南涼禿髮烏孤據此隋廢郡為廣武縣唐屬蘭州乾元
二年更名金城漢浩亶允吾二縣故城在西南廣德元
年州陷吐蕃皇朝元豐四年收復今縣一

蘭泉縣

鞏州古雍州地春秋時屬羗戎秦屬隴西郡二漢因之
靈帝分立南安郡晉屬隴西南安二郡元魏為隴西南
安安陽三郡兼置渭州後周併為南安郡隋開皇初郡
廢大業初州廢復置隴西郡唐武德元年置渭州天寶
元年曰隴西郡寶應元年沒吐蕃後廢皇朝皇祐四年
以渭州地置古渭寨熙寧五年改通遠軍崇寧三年改
為鞏州今縣三

隴西縣本襄武縣地二漢屬隴西郡晉為郡治焉元魏
置渭州隋為隴西郡唐渭州沒吐蕃廢皇朝為通遠軍
元祐五年於郭下置隴西縣隋舊有隴西縣本獮道縣
漢屬天水郡在襄武之東靈帝置南安郡晉因之又置
中陶縣後省獮道入中陶隋開皇初南安郡廢改中陶
為內陶又改為武陽十年又改為隴西唐因之沒蕃後
廢

永寧縣本永寧寨皇朝升為縣

寧遠縣本寧遠寨皇朝崇寧四年升為縣

會州古為西羌秦屬隴西郡漢屬金城安定二郡地後漢屬金城武威二郡西魏置會州後周廢之隋屬平涼郡唐武德二年平李軌置會州天寶元年曰會寧領縣二

上會寧縣本漢枝陽縣地屬金城郡晉張寔分屬廣武郡西魏置會州後周廢之隋開皇十六年置會寧縣屬平涼郡唐置會州

上烏蘭縣本漢祖厲縣地屬安定郡東漢屬武威郡晉省之後周置烏蘭關唐武德九年置縣後州沒吐蕃皇朝收復今縣一

敷川縣

西安州秦漢屬北地郡唐屬靈州皇朝置西安州

西寧州古西羌所居漢武帝西逐諸羌乃渡河湟築令居塞昭帝時屬金城郡東漢末置西平郡晉因之永嘉後禿髮烏孤初稱西平王其弟利鹿孤復都西平即此

地也後魏置鄯州後周置樂都郡隋開皇初郡廢大業
初州廢置西平郡唐武德二年平薛舉置鄯州天寶元
年曰西平郡領縣三

中湟水縣二漢破羌縣地屬金城郡建安中改為西平
郡晉因之元魏置鄯州後周置樂都郡隋開皇十八年
改西都曰湟水大業初為西平郡唐為鄯州破羌縣故
城在縣西

中龍支縣漢允吾縣地東漢為龍耆縣元魏改曰北金

城西魏改曰龍支隋屬枹罕郡唐屬鄯州

中鄯城縣唐儀鳳三年置屬鄯州漢西平郡故城在西
有土樓山上元二年州沒於吐蕃至皇朝收復始置
節度加號寶德軍

湟州古雍州地漢晉後屬西平郡唐屬鄯州皇朝置湟
州有湟水東入河

廊州古西羌地東漢延熹中護羌校尉段熲追燒何大
豪至河首積石山出塞二千餘里即此地也漢末屬西

平郡前涼置湟河郡元魏屬鄯州後周武帝逐吐谷渾
置廓州及洮河郡隋開皇初州郡並廢大業初置澆河郡
唐武德二年置廓州天寶元年曰寧塞郡領縣三

下廣成縣本燒當羌地元魏置廣威縣隋仁壽初改為
化隆縣屬西平郡唐置廓州先天元年改化隆曰化成
天寶元年曰廣威

下達化縣後周置達化郡并縣隋開皇初郡廢屬澆河
郡有故澆河城晉時吐谷渾主阿豺所築在縣西一百

二十里

下米川縣漢枹罕縣地屬金城郡唐貞觀五年置米州
及米川縣十年州廢屬河州永徽六年來屬廣德元年
州沒吐蕃皇朝收復

同下州鎮戎軍秦屬北地郡東漢因之晉屬新平郡元
魏太武置高平鎮後為高平郡兼置原州隋初郡廢大
業初州廢置平涼郡唐武德元年曰原州天寶元年曰
平涼郡廣德元年沒吐蕃後廢皇朝至道元年以故平

高縣地置鎮戎軍

高平寨慶厯二年置本漢高平縣為安定郡治馬東漢屬安定郡光武自征隗囂河西太守竇融率五郡太守與車駕會高平是也晉省之元魏置高平鎮後改為平高縣置原州隋為平涼郡唐為原州

同下州德順軍自五代以前地理與渭州同皇朝慶厯三年以渭州隴干地置德順軍今縣一

隴干縣皇朝元祐八年置

同下州懷德軍本平夏城皇朝大觀二年升為懷德軍以蕭關等寨隸之與西安鎮戎互為聲援應接蕭關為邊面之壯焉蓋唐之武州蕭關縣地也

同下州積石軍本漢之金城郡河關縣地唐置軍隸隴右節度府後沒吐蕃皇朝復置有積石山禹導河自此始河水出崑崙自古言者皆失其實禹本紀山海經水經固已迂恠誕妄而班固所載張騫窮河源事亦為臆說騫使大夏見葱嶺于闐二河合流注蒲昌海其水停

居皆以為潛行地中南出於積石為中國河此乃意度之非實見蒲昌海與積石河通流也漢武帝以于闐山出玉按古圖書因名河所出曰崑崙至唐之時吐蕃為大國居積石西唐之聘使往來非一始見黃河在吐蕃中西南數千里向東北流與積石河相連而吐蕃又言崑崙在其國內長慶中劉元鼎為盟會使言河之上流由洪濟裹西南行二千里水益狹冬春可涉夏秋乃勝舟其南三百里三山中高而四下曰紫山直大羊同國

古所謂崑崙者也吐蕃人曰悶摩泰山東距長安五千里
河源出其間流澄緩下稍合衆流色亦行益遠它水并注
則濁河源東北直莫賀延磧尾隱測其地蓋劔南之西元
鼎所經見大畧如此

下洮州古為諸羌之地後為吐谷渾所據至後周武帝
遂吐谷渾置洮陽郡兼置洮州隋開皇初郡廢大業初
州廢置臨洮郡唐武德二年置洮州天寶元年曰臨洮
洮郡領縣一

中臨潭縣本吐谷渾地後周置美相縣唐貞觀四年徙
治洪和城以故地置旭州五年又置臨潭縣八年州廢
以臨潭屬洮州徙州來治復遷于洮陽城仍于舊洪和
城置美相縣天寶中省美相併入有禹貢西傾山後名
西強山吐谷渾主阿豺嘗升西強山觀勢江源問于羣
僚曰此水東流更有何名由何郡國入何水也其長史
曾和曰此水經仇池過晉壽出宕渠號墊江至巴郡入
江度廣陵會于海阿豺曰水尚知歸吾雖塞表小國而

獨無所歸乎遣使通宋獻其方物宋少帝封為澆河公
西傾之北則洮水所出北流入河寶應元年州陷吐蕃
皇朝收復

輿地廣記卷十六

欽定四庫全書

輿地廣記卷十七

宋 歐陽忞 撰

陝西路化外州

安西大都護府漢為龜茲國唐立安西府初治西州顯慶二年平賀魯析其地立濛池崑陵二郡護府分種落列置州縣西盡波斯國皆隸安西而徙府治高昌故地三年又徙治龜茲都督府而故府復為西州咸亨元年

吐蕃陷都護府長壽二年收復安西四鎮至德元載更
名鎮西後復為安西吐蕃既侵河隴唯李元忠守北庭
郭昕守安西與沙陀回紇相依攻之久不下建中二年
元忠昕遣使間道入奏詔各為大都護並為節度貞元
三年吐蕃攻沙陀回紇北庭安西無援遂陷領四鎮
龜茲都督府都護府所治本龜茲國

毗沙都督府本于闐國

疎勒都督府本疎勒國

焉耆都督府本焉耆國

北庭大都護府在流沙之西北漢為烏孫故地東漢為
車師後王庭歷代為北蕃所居唐貞觀中討高昌於時
突厥屯兵於可汗浮圖城與高昌相影響及高昌既平
懼而來降乃以其地立庭州長安二年改曰北庭都護
貞元三年陷吐蕃領縣四

下金滿縣

下輪臺縣唐大歷六年置

下後庭縣本蒲類隸西州後來屬寶應元年更名其三縣並貞觀十四年置

下西海縣寶應元年置

大都督府靈州古為戎狄地秦屬北地郡二漢魏晉皆因之元魏太武帝平赫連昌置薄骨律鎮河渚上舊是赫連果地至明帝立靈州初治河北後徙治東園所築城後周立普樂郡隋開皇三年郡廢大業初州廢立靈武郡唐武德元年改曰靈州天寶元年曰靈武郡升為

朔方軍節度領縣四

望回樂縣本二漢富平縣地屬北地郡晉及元魏因之
後省焉故城在縣西南元魏置回樂縣及立靈州後周
立普樂郡西魏立臨河郡隋開皇元年改臨河郡曰新
昌三年州郡並廢大業初立靈郡唐武德元年曰靈州
四年析置豐安縣貞觀四年於回樂境內立回州以豐
安隸焉十三年州廢省豐安天寶末明皇西狩太子即
位於靈武是為肅宗

上靈武縣漢屬北地郡東漢省之後周置曰建安又立
歷城郡隋開皇三年郡廢屬靈州十八年改建安為廣
潤仁壽元年改今名唐因之

緊懷遠縣漢富平縣地後周置及立懷遠郡隋開皇三
年郡廢屬靈州唐立豐州武德六年廢省九原永豐二
縣入懷遠

上保靜縣本弘靜隋開皇十一年置唐神龍元年曰安
靜至德元載更名有賀蘭山

中都督夏州古為戎狄秦屬上郡後為匈奴所有漢武帝伐胡取河南地立朔方郡東漢因之後復沒於戎狄晉末赫連勃勃建都於此國號大夏子昌為元魏太武所滅以其地立夏州西魏立弘化郡隋開皇初郡廢大業初州廢立朔方郡唐貞觀二年平梁師都改為夏州天寶元年曰朔方郡後升靜難軍節度領縣三

上朔方縣二漢屬朔方郡後廢晉末赫連勃勃於黑水之南築都號為統萬烝土以築城鐵錐刺入一寸即殺

作人不及一寸行錐者死元魏立夏州及置巖綠縣西
魏立弘化郡隋曰夏州復曰朔方郡後為梁師都所據
唐克之改為夏州貞觀三年改巖綠為朔方縣唐末拓
跋思恭為靜難軍節度使其後世擅立相承至今為梗
中下德靜縣隋末置唐貞觀七年隸北開州八年曰化
州十三年州廢來屬

中下寧朔縣後周置隸弘化郡隋屬朔方郡唐武德六
年立南夏州貞觀二年州廢縣省入朔方五年復置來

屬長安二年省開元四年又置九年省其後又置

中都督涼州古為戎狄秦時屬匈奴使休屠王居其地
漢武帝太初四年開立武威郡東漢魏晉因之兼立涼
州前涼張軌後涼呂光皆據之北涼且渠蒙遜亦自張掖
徙居焉元魏後周亦曰武威郡隋開皇初郡廢大業初
州廢立武威郡唐武德二年平李軌立涼州天寶初曰
武威郡後為河西節度領縣五

中下姑臧縣本匈奴蓋藏城後人語訛遂曰姑臧二漢

魏晉皆武威郡治兼為涼州刺史治焉前涼後涼北涼
皆據此元魏後周亦為武威郡隋唐為涼州或為武威
郡漢鶉陰縣隸安定郡東漢來屬後省故城在今縣東
南漢顯美縣屬張掖郡東漢來屬晉以後因之後周省
入姑臧府禹貢豬野澤古休屠城蓋并得漢武威休屠
二縣地

下神烏縣本漢鸞烏縣屬武威郡後省唐總章元年於
漢縣故城復置神龍元年更名

中昌松縣本漢蒼松屬武威郡魏晉因之後涼昌光改
為昌松元魏立昌松郡後周郡廢隋開皇初改縣為永
始後復曰昌松唐因之漢允街縣神爵二年置屬金城
郡東南漢搢次縣屬武威郡東漢以後因之元魏屬昌
松郡後周省入昌松

中下大寶縣本番和二漢屬張掖郡晉屬武威郡元魏
立番和郡後周郡廢為鎮隋開皇中為縣併障燕支二
縣入焉唐咸亨元年立雄州調露元年州廢來屬天寶

三載以山出醴泉更名有馬支山

中嘉麟縣本鸞鳥二漢屬武威郡後省唐武德三年復置神鳥縣貞觀元年省神龍元年改武威縣為神鳥而於鸞鳥故城置嘉麟縣景龍元年省先天二年復置中都督沙州昔舜竄三苗於三危即此其後世為戎狄地出美瓜長者狐入其中食之首尾不出左傳所謂元姓之戎居於瓜州是也戰國及秦月氏有其地漢時入匈奴武帝開之屬酒泉郡後分立敦煌郡東漢魏晉因

之西涼李暉初據此元魏亦曰敦煌郡兼立瓜州後周
因之隋開皇初郡廢大業初州廢復為燉煌郡唐武德
二年曰瓜州五年改為西沙州貞觀七年曰沙州天寶
元年曰燉煌郡自祿山之亂河右沒於吐蕃大中後吐
蕃微弱首領張義潮以瓜沙十一州來歸而宣懿德微
不暇疆理名存有司而已後唐莊宗時升為歸義軍節
度領縣二

下敦煌縣二漢為郡治晉亦屬焉北魏立瓜州後周改

縣為鳴沙隋大業初復為敦煌唐立沙州漢郊穀縣屬
敦煌郡晉因之元魏立郊穀郡後周郡縣皆廢入焉耆
貢三危山在東南有三峯有神沙山冬夏有聲如雷渥
洼水漢元鼎中土人得奇馬以獻武帝欲異之乃云從
渥洼水中出於是作天馬之歌

下壽昌縣本龍勒二漢屬敦煌郡晉因之元魏立壽昌
郡後周郡縣皆廢入敦煌唐武德二年析敦煌置壽昌
永徽元年省乾封二年復置開元二十六年又省後復

置治漢龍勒縣故城陽關在縣西六里玉門關在西北一百十八里二關之西三百餘里有蒲昌海一名鹽澤廣袤三四百里則蔥嶺于闐兩河之所注也

下都督瓜州古西戎地戰國時月氏有之後入匈奴漢屬敦煌郡東漢魏晉皆因之元康五年立晉昌郡後廢元魏後周為前樂郡隋開皇初郡廢屬瓜州唐武德五年改瓜州為西沙州而析晉昌別立瓜州天寶元年曰晉昌郡領縣二

中下晉昌縣本冥安二漢晉屬敦煌郡惠帝分屬晉昌郡西涼李暠改為涼興郡元魏改為常樂郡後周省冥安別置涼興郡隋開皇初郡廢屬瓜州改涼興為常樂縣唐武德四年更名晉昌五年別立瓜州於此

中下常樂郡本府至二漢屬敦煌郡魏分置宜禾縣晉立晉昌郡李暠改晉昌郡曰涼興元魏改郡曰常樂後周廢縣別置於冥安故城焉既而改常樂縣為晉昌武德元年別置常樂於此

下都督鹽州春秋戎狄之地秦屬北地郡二漢因之魏
晉荒廢元魏立大興郡西魏改為五原郡兼立西安州
後改州曰鹽州又改郡為大興郡隋開皇初郡廢大業
初州廢立鹽川郡唐武德二年平梁師都立鹽州天寶
元年曰五原郡貞觀三年沒吐蕃九年復城之領縣一
上五原縣漢馬領縣地屬北地郡後置五原縣元魏立大
興郡西魏立鹽州隋曰鹽川郡唐曰鹽州府烏池白
池細項池四瓦窰池鹽

上白池縣本興寧隋末置景龍三年更名

中府勝州本春秋戎狄之地戰國屬趙秦屬雲中九原
二郡二漢屬雲中五原二郡魏晉後荒廢隋開皇二十
年立勝州大業初州廢立榆林郡唐武德中平梁師都
立勝州天寶元年曰榆林郡領縣二

中下榆林縣本漢雲中之沙南五原之五原地南界有
榆溪塞即蒙恬為秦侵胡闢地數千里累石為城植榆
為塞是也隋開皇七年置榆林縣二十年立勝州大業

初立榆林郡唐因之漢五原縣故城在今縣西有隋故榆林宮東有榆林關

中下河濱縣亦漢治南縣地唐貞觀三年置以東臨河岸故名及立雲州四年曰威州八年州廢來屬東北有河濱關

下都督西州漢為軍師前王國元帝置戊己校尉屯田車師故地形高敞因名高昌壘前涼張駿立高昌郡元魏和平元年為蠕蠕所并以關伯周為高昌王高昌

稱王自此始孝文時金城麴嘉稱王於此傳數世至唐貞觀十四年討平之以其地立西州開元中曰金山都督府天寶元年曰充河郡領縣五

下前庭縣本漢高昌壘壘有八城本中國人也張駿立高昌郡呂光且渠蒙遜皆因之後闕伯周始建國至麴又秦為唐所滅立西州及置高昌縣寶應元年改為前庭取車師前王庭以名之下柳中縣取漢舊地為名

中下交河縣漢車師前王國治交河城河水分流繞城
下故號交河唐取以名縣

中蒲昌縣唐以始昌故城置本隸庭州後來屬東南有
蒲類海胡人呼為婆悉海

下天山縣其五縣皆唐貞觀十四年與州同置

下伊州在敦煌北大磧之外為戎狄之地非九州之限
東漢明帝時伐匈奴始取伊吾廬地置宜禾都尉以屯
田竇憲班超初築城於此班勇為西城長史乃居焉爾

後多為屯田兵鎮之所未為郡縣元魏始立伊吾郡後
又為鄯善所據唐貞觀四年西域雜胡內附乃立西伊
州六年曰伊州天寶元年曰伊吾郡領縣三五代時曰
胡盧磧為仲雲之族牙帳仲雲小月氏之遺種也

下伊吾縣本匈奴地曰伊吾盧在敦煌之北大磧之外
南去玉門關八百里東去陽關二千七百三十里東漢
以後為屯田兵鎮之所晉置伊吾縣屬敦煌郡元魏立
伊吾郡後廢唐立伊州復置縣有天山胡人呼為折盧

漫山每過之皆下馬拜一名雪山

下納職縣唐貞觀四年以鄯善所築故城置開元六年省十五年復置

下柔遠縣唐貞觀四年置取縣東柔遠故城以名之

下甘州春秋戰國為戎狄秦及漢初為匈奴所有使昆邪王居之武帝太初元年昆邪王來降以其地立張掖郡東漢魏晉皆因之北凉且渠蒙遜始都於此元魏置張掖郡西魏置西凉州尋改曰甘州因州東甘峻山為

名後周因之隋開皇初郡廢大業初州廢復為張掖郡
唐武德二年平李軌立甘州天寶初曰張掖郡領縣二
五代時為回鶻牙帳

上張掖縣晉舊縣本匈奴昆邪王地漢立張掖郡治麟
得縣東漢因之晉改曰永平縣西魏立甘州隋廢郡大
業初改永平為張掖縣唐因之漢昭武縣屬張掖郡晉
改曰臨澤故城在縣西北漢張掖縣屬武威郡東漢因
之後省故城亦在縣西北漢居延縣張掖都尉治東漢

興十二年立西海郡魏晉因之後廢故城在今縣東北
故臨松郡前涼張天錫置元魏因之後廢為縣後周省
入有遮虜障漢將軍路博德所築有祁連山臨松山甘
峻山合黎山居延澤禹貢所謂導弱水至於合黎餘波
入於流沙居延澤即古流沙也

中下刪丹縣漢屬張掖郡東漢因之後分屬西郡晉因
之元魏改縣曰山丹隋大業初復改曰刪丹屬張掖郡
唐屬甘州漢日勒縣屬張掖郡東漢因之後分立西郡

魏晉元魏因之改縣曰永寧西魏郡廢又改曰弱水後周省入山丹故城在縣東南有焉支山匈奴初失祁連焉支二山惜之歌曰奪我祁連山使我六畜不繁息失我焉支山使我婦女無顏色

下肅州古月氏地後入匈奴漢太初元年開立酒泉郡東漢魏晉因之西涼李暉自敦煌徙居於此元魏後周亦為酒泉郡隋開皇初郡廢仁壽中立肅州大業初州廢入張掖郡唐武德二年分立肅州天寶元年曰酒泉

郡領縣三

中下酒泉縣本福祿漢立酒泉郡城下有金泉味如酒
因以名焉東漢以後皆因之元魏置酒泉軍後復為郡
隋郡廢立肅州州廢屬張掖郡義寧元年改福祿為酒
泉唐立肅州西南有崑崙山周穆王見西王母於此漢
平帝時金城塞外羌獻魚鹽之地遂得西王母石室以
為西海郡後為吐谷渾所都隋大業三年討之復立西
海郡

下福祿縣本漢樂涑縣屬酒泉郡東漢晉因之後省唐既改福祿縣為酒泉武德二年於樂涑故城復置

中下玉門縣漢屬酒泉郡時罷玉門關屯徙其人於此因以名縣東漢魏晉因之元魏立會稽郡併新鄉延興入會稽縣隋開皇中改縣為玉門屬瓜州唐武德二年來屬貞觀元年省後復置開元中沒吐蕃因置玉門軍天寶十四載廢軍為縣北有獨登山出鹽以充貢有神雨山

下疊州歷代為諸羌所據晉屬汶山郡宋齊因之後為
西魏後周所有武帝立西疆恒香二郡兼立疊州隋開
皇初二郡並廢大業初州廢入臨洮同昌二郡唐武德
二年復立疊州天寶元年曰合川郡領縣二
下合川縣後周置及立西疆郡隋郡廢屬臨洮郡唐立
疊州故疊川縣後周置及立疊州隋廢州屬臨洮郡唐
武德二年來屬貞觀二年省入焉有白嶺山

下常芬縣後周置及立恒香郡隋郡廢屬同昌郡唐武

德元年立芬州高宗上元二年陷吐蕃神龍元年州廢
來屬有弱水

下宕州歷代為諸羌所據元魏武帝時始內附封為宕
昌王後周立宕昌國武帝天和元年置宕州隋大業初
州廢為宕昌郡唐武德元年復為宕州天寶元年曰懷
道郡領縣二

下懷道縣後周置及立甘松郡隋開皇初郡廢屬宕州
唐為州治貞觀三年省和戎縣入焉

下良恭縣本陽宕後周置及立宕昌郡兼立宕州隋郡廢後州廢復為宕昌郡唐屬宕州貞觀元年以成州之潭水來屬後省入焉

下都督府豐州春秋為戎狄戰國屬趙秦屬九原郡漢屬五原郡東漢因之魏晉後為匈奴所沒隋文帝置豐州煬帝初州廢置五原郡唐貞觀四年以突厥降戶立豐州不領縣十一年州廢入靈州二十三年復立天寶元年曰九原郡領縣二

中下九原縣二漢屬五原郡後沒匈奴唐永徽四年復置

中下永豐縣唐永徽元年置麟德元年別置豐安縣天寶末省東受降城唐景雲二年朔方軍總管張仁愿築三受降城

中受降城有拂雲堆祠

西受降城開元初為河所圯十年總管張說於城東別置新城北三百里有鵬鵠泉

上宥州歷代地理與鹽州同唐調露元年於露夏南境
以降突厥立魯州麗州舍州塞州依州契州以唐人為刺
史謂之六胡州長安四年併為匡長二州神龍三年立
蘭池都督府分六州為縣開元十年復立魯麗契塞四
州十年平康待賓遷其人於河南及江淮十八年復為
匡長二州二十六年還所遷胡戶立宥州及延恩等縣
天寶元年曰寧朔郡至德二載更郡曰懷德乾元元年
復故名寶應後廢元和九年於經畧軍復置距故州東

北三百里十五年徙治長澤為吐蕃所破長慶四年節度使李祐復奏置領縣二

中延恩縣唐開元二十六年以故匡州地置又以故塞門縣地置懷德縣以故蘭池州之長泉縣地置歸仁縣寶應後皆省元和九年復置延恩有經畧軍在榆多勒城天寶中王忠嗣奏置

中下長澤縣本漢三封縣地屬朔方郡後省元魏置長澤及立闡熙大安二郡又立長州隋開皇三年郡並廢

大業三年州廢入朔方郡唐貞觀七年立長州十三年
州廢隸夏州元和十五年來屬有胡洛鹽池



輿地廣記卷十七

欽定四庫全書

史部

輿地廣記卷二十八至
四

詳校官編修臣曹斌

檢討臣德生覆勘

總校官降調編修臣倉聖脉

校對官中書臣劉圖南

謄錄監生臣沈景陽

欽定四庫全書

輿地廣記卷十八

宋 歐陽忞 撰

河東路上

大都督府太原府春秋屬晉戰國屬趙秦昭襄王使蒙
驁攻趙初置太原郡二漢因之兼置并州魏晉為太原
國後魏復為郡北齊後周皆因之隋初曰并州後曰太
原郡唐武德元年為并州天授元年置北都開元十一

年曰太原府後領河東節度周初劉崇竊據其地皇朝
太平興國四年克復降為并州嘉祐四年升為太原府
河東節度今縣九

次赤陽曲縣本漢狼孟縣地故城在今縣東北屬太原
郡東漢自今定襄縣移陽曲於此晉因之隋開皇六年
改曰陽直十六年改曰汾陽唐武德七年復曰陽曲自
劉氏竊據以前府治太原晉陽二縣皇朝太平興國四
年王師克復遂徙州治陽曲而空其故城太原縣禹貢

所謂既修太原是也秦來為太原郡治東漢以後兼為并州刺史治焉後魏尔朱榮高歡父子皆據此隋開皇十年於州城中古晉陽置太原縣唐高祖於此起義師以興王業皇朝太平興國四年省入榆次晉陽縣本漢舊縣北齊置隴山縣隋開皇十年改曰晉陽皇朝建隆四年以為平晉軍太平興國四年廢為平晉縣熙寧三年省入陽曲有龍山晉水所出

次畿太谷縣本漢陽邑縣屬太原郡東漢及晉皆因之

隋開皇十八年更名唐因之有太谷山

次畿榆次縣本涂水晉大夫知徐吾之邑也秦莊襄王三年蒙驁攻趙榆次漢屬太原郡東漢晉因之北齊改曰中都隋開皇初復曰榆次唐因之

次畿壽陽縣晉秦始中置屬樂平郡後廢隋開皇十年復置屬并州後曰受陽唐武德六年受州徙治此貞觀八年州廢來屬十一年復曰壽陽有方山

次畿孟縣本晉大夫孟丙邑漢屬太原郡東漢晉因之

後廢隋開皇十六年置原仇縣大業初復曰孟唐武德三年置受州貞觀八年廢來屬

次畿交城縣隋開皇十六年分晉陽置屬并州唐先天二年析置靈州縣開元二年省

次畿文水縣本太陵縣地昔趙武靈王遊大陵夢處女鼓琴而歌即此漢屬太原郡東漢晉因之後曰受陽隋開皇十年改曰文水屬并州唐武德中屬汾州貞觀初還屬并州天授元年以武后鄉里改為武興神龍元年

復為文水

次畿祁縣本晉大夫祁奚邑晉滅祁氏以賈辛為大夫漢屬太原郡東漢晉因之北齊省隋開皇中復置屬并州唐因之

次畿清源縣本梗陽晉大夫魏戊邑漢為榆次縣地隋置清源縣以清源水為名屬并州大業初省入晉陽唐武德元年復置

大都督府潞州春秋時為黎侯後赤狄奪其地而潞子

嬰兒為晉所滅其地屬晉戰國時曰上黨為韓之別都
遠韓近趙秦攻上黨韓不能救其守馮亭以地降趙秦
攻取之置上黨郡二漢晉因之後魏亦為上黨郡後周
置潞州隋置韓州大業初州廢復置上黨郡唐武德元
年又為潞韓二州貞觀十七年併韓入馬後領昭義軍
節度皇朝太平興國元年改昭德軍建中靖國元年改
隆德軍今縣七

望上黨縣故黎侯國書所謂西伯戡黎詩所謂狄人迫

逐黎侯是也漢為壺關縣屬上黨郡東漢晉因之後魏
分置上黨縣為上黨郡治後周及唐為潞州治明皇嘗
為州別駕有啓聖宮本明皇故第

上屯留縣春秋時本為純留屬晉左傳晉人執衛孫蒯
於純留即此後趙肅侯奪晉君端氏而徙之屯留漢屬
上黨郡東漢晉因之北齊廢焉隋開皇十六年復置屬
潞州唐因之有漢余吾縣故城在縣西北三十里

上襄垣縣漢屬上黨郡東漢晉皆因之後魏置襄垣郡

北齊郡廢後周置韓州隋大業初州廢屬上黨郡唐武德元年復置韓州貞觀十七年州廢來屬有鹿臺山

上潞城縣故潞子國二漢潞縣屬上黨郡晉為郡治後縣廢隋開皇十六年復置潞城縣屬潞州唐因之有潞水為并州浸即濁漳水也

中黎城縣漢潞縣地後魏以潞縣被誅遣人置隋開皇十八年改名黎城有壺口故關

中壺關縣本漢壺關縣地後魏既以壺關置上黨縣乃

移壺關於此隋大業初省入上黨唐武德四年復斤上黨置屬潞州

中長子縣本周史辛甲之封邑左傳晉人執衛行人石買子長子即此秦為上黨郡治二漢因之晉屬上黨郡北齊廢焉隋開皇九年置曰寄氏縣十八年改曰長子屬潞州唐因之有廢鳩山漳水所出有羊腸坂王莽命左威將王嘉曰羊頭之阨地當燕趙蓋此地也

中下涉縣二漢屬魏郡晉屬廣平郡後魏廢焉隋開皇

十八年復置屬潞州

望晉州堯時為帝都所謂平陽也春秋屬晉戰國屬魏
秦屬河東郡二漢因之魏分置平陽郡晉因之劉淵僭
位設都於此後魏亦為平陽郡兼置唐州後改曰晉州
東魏北齊皆為重鎮隋初郡廢煬帝初置臨汾郡唐武
德元年曰晉州天寶元年曰平陽郡梁開平四年升定
昌軍後唐同光元年改曰建雄軍皇朝因之今縣十
望臨汾縣本平陽堯所都也戰國時韓武子居之二漢

屬河東郡魏置平陽郡晉因之後魏置唐州改曰晉州
隋開皇初改郡曰平河改縣曰臨汾尋郡廢大業初置
臨汾郡唐置晉州有姑射山

緊洪洞縣本楊侯國姬姓也晉滅之為楊邑二漢為楊
縣屬河東郡晉屬平陽郡隋屬臨汾郡義寧二年改曰
洪洞取縣北洪洞嶺為名唐屬晉州故洪洞城今在縣
北東魏北齊鎮此

緊襄陵縣二漢舊縣屬河東郡晉屬平陽郡後魏太武

以擒赫連昌乃分置擒昌縣北齊廢襄陵入擒昌隋大業初又改擒昌為襄陵屬臨汾郡唐屬晉州晉襄公之陵在西北因以名縣

上神山縣唐武德二年分襄陵置浮山縣東南有羊角山四年以老子祠更名神山

趙城縣昔周穆王以趙城封造父即此漢為彘縣地屬河東郡隋義寧二年析霍邑置趙城縣屬晉州

上汾西縣後魏置曰臨汾縣及汾西郡隋開皇初郡廢

十八年改縣曰汾西屬晉州唐因之

中霍邑縣本彘縣周屬王流於彘即此漢屬河東郡順
帝陽嘉二年改曰永安晉省之後魏置永安郡隋開皇
初郡廢十六年置汾州十八年改為呂州而改永安為
霍邑大業初州廢屬臨汾郡唐屬晉州霍太山在東北
禹貢所謂太嶽也周封文王子叔處為霍伯其後晉滅
之有彘水西南流入汾

中冀氏縣漢猗氏縣地屬上黨郡後魏置冀氏縣及冀

氏郡北齊郡廢隋屬臨汾郡唐屬晉州

中下和川縣

中下岳陽縣漢穀遠縣地屬上黨郡後魏置安澤縣隋大業初改曰岳陽屬臨汾郡唐屬晉州縣在太嶽之南禹貢所謂至於岳陽蓋指此而言也

中府州漢屬太原郡隋屬樓煩郡唐屬嵐州唐末置府州後唐莊宗以雲中人折從阮為刺史晉出帝時從阮以兵攻契丹取其城堡十餘漢高祖天福十二年置永

安軍以從阮為節度使明年入朝拜從阮子德宸為本
州團練使自此折氏世守府州皇朝因之今縣一

下府谷縣有安豐寧府百勝三寨濱河斥侯請化西安
三堡有黃河

下麟州漢屬五原西河二郡隋屬銀勝二州唐因之開
元十二年節度使張說奏置麟州十四年州廢天寶元
年王忠嗣復奏置又為新秦郡皇朝乾德五年升建寧
軍節度端拱七年改鎮西軍今縣三

上新秦縣唐天寶元年析連谷銀城置為麟州治按漢書食貨志武帝以山東被水灾民多饑乏乃徙貧民於關以西及充朔方以南新秦中今之郡縣蓋其地也

中銀城縣本漢朔陽曼柏二縣地屬五原郡後魏置石城縣後周改為銀城隋屬綏州後廢焉唐貞觀二年復置四年屬銀州八年屬勝州天寶元年來屬漢本紀光祿勳徐自為築五原塞外列城西北至盧朐山即今縣北所謂光祿塞是也

下連谷縣本漢固陰縣地屬西河郡唐貞觀八年以隋連谷戍置縣屬州天寶元年來屬

雄絳州春秋為晉都戰國屬魏秦時屬河東郡二漢因之晉屬河東平陽二郡後魏置東雍州西魏後周以為重鎮後周改曰絳州領正平絳二郡隋開皇初郡廢大業初州廢置絳郡唐武德元年復曰絳州天寶元年曰絳郡皇朝因之今縣七

望正平縣本二漢臨汾縣屬東河郡晉屬平陽郡後周

置正平郡隋開皇初置絳州十八年改臨汾縣為正平
大業初置絳郡唐為絳州有北齊武平關在縣西三十
里故家雀關在縣西七里並是鎮處有汾澮二水

望曲沃縣晉文侯封弟成師於此謂之曲沃桓叔二漢
為絳縣地後周置曲沃縣隋屬絳郡唐屬絳州有絳山
絳水

望太平縣本漢臨汾縣地後魏置太平縣隋屬絳郡唐
屬絳州

上翼城縣晉穆侯自晉陽徙都於絳至孫孝侯改絳為翼謂之翼侯其後為曲沃武公所并自曲沃徙都之復謂之絳二漢為絳縣地後魏為北絳縣及北絳郡隋開皇初郡廢十八年改縣曰翼城屬絳州義寧元年置翼城郡唐武德元年曰澮州四年廢縣來屬

中稷山縣本二漢聞喜縣地屬河東郡後魏置高涼縣又置龍門郡後周置勳州改曰絳州隋開皇初龍門郡廢徙絳州治正平十八年改高涼曰稷山唐因之有王

壁城後周王思政所築為重鎮齊神武再攻圍不克
中絳縣本晉之新田魏獻子曰新田土厚水深居之不
疾蓋謂此二漢屬河東郡晉屬子陽後周置絳郡隋開
皇初郡廢屬絳州唐因之

下垣曲縣本垣縣二漢晉屬河東郡後廢焉西魏置卻
郡及白水縣後周置邵州改白水為亳城隋開皇初郡
廢大業初州廢改亳城為垣縣屬絳郡義寧元年置邵
原郡唐武德元年曰邵州貞觀元年州廢縣來屬龍朔

二年屬洛州長安二年復故貞元三年屬陝州元和三年復故今曰垣曲有禹貢王屋山沅水所出東流為濟上代州春秋屬晉戰國屬趙趙武靈王置雁門郡北其南境秦漢屬太原鴈門二郡東漢屬太原鴈門代三郡晉置鴈門郡後魏又置繁峙郡後周置肆州隋開皇五年改曰代州唐因之天寶元年曰鴈門郡皇朝因之今縣四

中鴈門縣本漢廣武縣屬太原郡東漢屬代郡晉為鴈

門郡治焉元魏後周皆因之隋初郡廢置代州唐因之
有夏屋山史記趙襄子北登夏屋以銅斗擊殺代王即
此有勾注山漢擊匈奴於此一名西陘有淳沱水

中崞縣二漢晉皆屬雁門郡後廢焉元魏置石城縣東
魏置蔚州北齊改為北顯州後周廢隋開皇十六年改
縣曰平寇大業初又改曰崞縣屬鴈門郡唐屬代州有
崞山故樓煩縣本樓煩胡地趙武靈王取之置縣二漢
屬雁門郡魏晉廢焉故城在今縣東故唐林縣本武延

縣唐證聖元年析五臺嶂置唐隆元年改曰唐林皇朝
景德二年省入嶂

中下五臺縣本慮虎縣二漢屬太原郡魏晉廢焉後魏
置驢夷縣隋大業初改曰五臺屬鴈門郡唐屬代州有
五臺山慮虎水

中下繁峙縣二漢晉皆屬鴈門郡後廢焉元魏復置并
置繁峙郡後周郡縣並廢隋開皇十八年復置縣屬代
州唐因之

下隰州春秋屬晉戰國屬魏秦二漢屬河東郡魏晉屬平陽郡後魏北齊為沁州後周置沁州及龍泉郡隋開皇初郡廢後復置西汾州尋又改為隰州大業初復置龍泉郡唐武德元年改為隰州天寶元年曰大寧郡今縣六

上隰川縣本晉之蒲邑晉獻公使公子重耳居蒲即此漢為蒲子縣屬河東郡晉屬平陽郡後廢焉後周置長壽縣及龍泉郡隋開皇初郡廢改長壽縣為隰川為隰

州治唐因之

上溫泉縣本後周新城縣地隋開皇十年省縣入汾西
唐武德三年置溫泉及北溫州貞觀元年州廢以縣來
屬

中蒲縣後周置隋屬龍泉郡唐武德二年置昌州貞觀
元年州廢以縣來屬

中大寧縣本漢北屈縣地屬河東郡隋為任城縣地屬
文城郡唐武德二年更名是年置中州貞觀元年州廢

以縣來屬

中石樓縣本漢吐軍縣屬西河郡東漢省之後魏置吐
京縣及吐京郡蓋胡俗語訛也隋開皇初郡廢十八年
改縣為石樓屬隰州唐武德二年置西德州貞觀元年
州廢屬東和州州廢來屬有石樓山

中永和縣本漢狐讞縣屬河東郡東漢晉因之後周置
臨河縣及臨河郡隋開皇初郡廢十八年改縣為永和
屬隰州唐武德二年置東和州六年析置樓山縣貞觀

二年州廢省樓山以永和來屬

下慈州春秋屬晉戰國屬魏秦二漢屬河東郡魏晉屬
平陽郡東魏置定陽郡及南汾州北齊改為西汾州隋
開皇初郡廢十六年改州為耿州後復為汾州大業初
州廢置文城郡唐武德元年復曰汾州五年曰南汾州
八年曰慈州取慈烏戍為名天寶元年曰文城郡皇朝
熙寧五年州廢屬隰州元祐元年復置今縣一

中吉鄉縣本晉之北屈晉獻公使公子夷吾居屈即此

地產良馬所謂屈產之乘東魏置定陽縣及定陽郡隋改定陽曰吉昌置文城郡唐曰慈州後唐改吉昌為吉鄉皇朝因之州廢屬隰州州復置仍為州治有禹貢壺口山文城鎮本元魏伍城縣地後置文城縣隋屬文城郡唐屬慈州有孟門山黃門皇朝熙寧五年省入吉鄉唐慈州又領昌寧倖城呂香三縣昌寧縣元魏置并內陽郡隋開皇初郡廢屬文城郡後唐改曰寧鄉皇朝省之伍城縣元魏置曰刑軍縣後改曰伍城又置伍城郡

隋開皇初郡廢屬文城郡周顯德三年省呂香縣隋義
寧元年分伍城置平昌縣唐貞觀六年改為呂香周顯
德三年省

下忻州春秋屬晉戰國屬趙秦二漢屬太原郡元魏置
肆州後周徙州於鴈門郡隋開皇初置新興郡唐廢十
八年置忻州取忻口為名大業初州廢屬樓煩郡義寧
元年復置新興郡唐武德元年復為忻州天寶元年曰
定襄郡皇朝因之今縣二

繁秀容縣本漢汾陽縣地屬太原郡東漢省之元魏置
肆州北齊置平寇縣隋開皇初置新興郡十年廢平寇
縣而自今宜芳秀容故城移縣治此十八年置忻州唐
因之有忻口寨繁舟山

上定襄縣本漢陽曲縣地唐武德四年析秀容置有石
嶺關甚險固

輿地廣記卷十八